

# 故宮週刊

易培基



本刊特別啟事一

凡本市城內訂閱或送閱各戶、均交由本院出版部發售室按期派役專送、如有遺誤摺汗、(以中縫一摺為原則不  
多量本市以外由郵寄者不在此列、請逕電本院發售室、(東局一六〇九)或函知本院秘書處查究、注意為幸、  
本刊特別啟事二 本刊因春節京華印書局之手  
民休業順延一期閱者鑒之

本院理事趙次隴先生

## 清宮史訓諭選錄(續)

清玉質奉天法祖親賢愛民寶



奉天法祖親賢愛民

碧玉方四寸九分厚四寸一寸五分紐五公分



明 郁 之 章 書 扇 (詳未傳小)



清 乾 隆 銅 胎 珐 瑯



太監四名、一併議罪具奏、小太監等、每人重責四十板、總管蘇培盛等、議將李英謝成、各降一級、王守貴亦降一級、王常貴張玉柱劉萬春、各罰一年月銀、奉旨  
李英、謝成、不必降級、着罰俸一年、餘依議、

(接第二版)

宋黃庭堅行書 (宋四家墨寶之一) (小傳詳前)

中夫七弟得書知侍奉

甘五叔母縣君萬福開慰元量

諸兄弟中有肯有衆竭力治田園者乎

居之何能久堪漢議臣對否字示兄弟名

字曲折舍族圖卷爲完書矣但欲其

中有中行者耳小傳尚未就耳龐老傷寒

論無日不在几案間亦時擇點識者傳

本與之此奇書也頗校正其差誤矣但求

下筆作序：厥先送厥都開大字板也後

付可寄矣一斬州歲記不忘但老耄極懶

不稍緩必此耳

壽安姑東卿一月中母不起聞之悲塞二

子雖有水碓爲生資子願弟二能周旋

一乎室中事計子願必能盡力矣

叔母不甚覺老否德氏妹孀居大何調

護令不棄耶元期相見方乃

親自愛十月十日元庭堅報

中夫七弟

乾隆六年十二月初七日上諭、應出宮女子既已出宮、即係外人、不

許進宮請安、其本宮首領太監、與伊等傳信、亦屬不可、從前小太

監、化玉龍、寧進、王進喜等、倚仗在本主前、有小惡愆、不服首

領管教、甚屬無知、既放爲宮中首領、應管一處之太監、放爲總管

教之理、似此不服管教之太監、即當懲處、再爾等嚴誦首領太監、

凡宮內之事、不許向外傳說、外邊之事、亦不許向宮內傳說、至於

諸太妃所有、一切俱係聖祖皇帝所賜、諸母妃所有、亦是世宗皇帝

所賜、即今皇后所有、是朕所賜、各守分例、樽節用度、不可將宮

中所有、移給本家、其家中之物、亦不許向內傳送、致涉小氣、嗣後本家、除來往請安問好之外、一概不許妄行、從前朕曾

經嚴傳諭旨、爾等不過一時小心、數日之後、漸就懈怠、此係朕所深知、今爾等不時稽查、如各宮首領太監、有不謹之人、

向裏外傳說是非、或經查出、或被首告、必重處數人、以警其餘、若經朕躬訪察得實、即係爾等總管之罪、從前聖祖皇帝教

訓爾等諭旨、至世宗皇帝時、皆敬謹遵行、世宗皇帝教訓爾等諭旨、至朕時、仍當敬謹遵行、今朕教訓諭旨、爾等亦當永遠

遵行、即將來爾等不當總管時、後來總管、仍當永遠遵行、爾等將此旨嚴行曉諭、務令通知、

清 艾 啓 蒙 畫 風 狸 (小傳詳前)



清 王 翠 山 水 (小傳詳前)



射陽先生存稿選 (續)

園棋歌贈鮑景遠

海內即今推善奕、溫州鮑君居第一、我於

二十五年、已見縱橫妙無匹、當時弱冠

遊淮安、後來蹤跡多江南、品流不讓范元

博、收獎先蒙楊蓬庵、能棋處處爭雄長、

一日遇君皆俄罔、甲第公侯飾馬迎、玉堂

學士題詩訪、去年我客大江東、鷄鳴寺中

欣相逢、四方豪傑會觀局、丈室之間圍再

重、架肩駢頭密無縫、四座寂然凝若夢、

忽時下子巧成功、一笑齊聲海潮哄、局來

解臂各天涯、胡爲又見條侯家、圍寶轉主

十日飲、歡喜連宵通燭花、河橋鳴冰雪淩

忌孤高、

樹、別我又將何處去、文嶽玉子即爲家、野鶴閒雲本無住、由來絕藝合烟霄、何事塵中猶布袍、願爾逢人權放看、世間萬事

(接第三版)

(本市) 每周五分 十期五角 三十期

本報爲便利讀者起見、特在各大書局、代售處、均有代售、如欲訂閱、請向各處接洽、或逕向本報編輯部接洽、均可、

故宮交泰殿所藏御用寶璽二十五方乾隆時編爲

南唐李廷珪及其裝匣題識

有唐冠珪墨寶

珍藏

此其最難者一詩論其所有曰上人朋友得奇物有量尺度知主長論其序有曰百年相傳文斷詩律傳尚見蛟龍相論其款有曰小書蛟龍名姓黃金點稱我國龍論其價有曰老儒得笑夫金千金更曰無由道 詩集

黑五一方尺計五堅自是墨點具足之堅墨之良亦亦觀此廷珪  
五代至今時千法一所藏吳氏記其形書款及其實求第摘詞記詳細  
翰林風月錦色稀溫體濃雲釀而識今春甘澤利農功回且有靈俗佳瑞  
欽封犀月錦色稀溫體濃雲釀而識今春甘澤利農功回且有靈俗佳瑞  
擅徑錦囊重弄藏龍寶劍忽逢誰試既而自惕且自嘆於藝玩物損德害  
寶骨來用實何為整瓌過客增愧 李廷珪古墨歌  
乾隆辛亥冬月卜 御筆

李廷珪、南唐墨工、本姓奚、後賜姓李、故或稱奚廷珪、或稱李廷珪、自易水渡江居歙州、其製墨、自宋以來推爲第一、其墨用藤黃犀角真珠巴豆等十一物爲之、堅如玉、紋如犀、印文作卽字者爲上、圭次之、珪又次之、其云奚廷珪者最下、格古要論云、李廷珪墨有二品、龍紋雙脊者爲上、一脊者次之、

靈樞經、隄穿一線走高擊、五丁山爲金牛鑿、深林赤手虎可搏、鳩鵲危巢失乾鵲、拋餌忙牽掣海鯊、彎弧命中橫秋鵠、嗟君此手信絕倫、滿堂觀者驚猶神、男兒不藝則已矣、藝則須高天下人、李君謂我能談藝、苦苦索詩攀鮑例、讀書博塞總亡羊、况復我才非蓋世、紅燭青尊坐永宵、爲君信口發長謠、儂家自愛虛窗日、未肯輕於局上消、

瑞石山樓望江

錢塘想像婉未到，千里心馳江水隈。秦皇繫纜定何處，錢氏射潮安在哉。望而不見暮雲隔，劃然長嘯雄風來。六和塔下六君子，期爾金尊江上開。

（未完）



## 故宮博物院前後五年經過記(續)

梁亭

事畢已十二時、遂歸午膳、家中人云、易先生已來過、留一聘函、並囑午後二時至神武門參與清宮點查預備會議、及時往、則李先生、易先生、吳稚暉先生、鹿總司令、及善後會各委員、各監察員、各顧問、各院部助理員、到者甚多、易氏莊思誠先生亦在、李易諸先生當然已知此事、而面亦旋至、遂開議、委員長李先生主席、首提此案、發言和平而極堅決、當時社會日報亦載有其詞、大意云、

民國優待清室條件、本已載明溥儀暫居宮中、不料我國人民素性寬大、竟任其延長至十三年之久、此次國民軍回京、攝政政府代表大多數國民意見修改優待條件、並令溥儀遷出宮禁、本屬極正當極自然之事、況民六復辟、清室顯已違反優待條件、決非張助一人之罪、有張助死後、清室賜諡忠武之事可以為證、且在民國統治之下、京中滿街翎頂補服、宮中亦有宣統十幾年上諭、非清室違反優待條件之證明而何、是此次攝政政府舉動、雖仍覺得過於和緩、然吾人對此種辦法、亦可認為比較的滿意、今查封手續既告完竣、急宜從事開始點查、即自明日起開始辦事、惟有一言為到會諸君告者、今日忽接內務部轉來執政府公函、大意對於清室善後問題正在考慮、應從長討論、所有清室善後委員會檢查物件等事、暫緩進行等語、查本會係由委員會委員、監察員、各部所派助理員、及本會所聘學術專門家組織而成、非如其他行政機關、可以隨時聽候政府命令者可比、且查點係本會內部手續、本會既已承受保管、決不能不知其中究有何物、共有若干、正如受人委托保管一包銀錢、決不能不知包中所有銀錢數目、而貿然負此責任也、故個人對於原則上主張反抗政府此種違反民意不合手續之命令、至於事實方面若何辦理、則請到會諸公詳細討論云云、

## 漱芳齋後閣小戲台陳列板斧寶劍




於是各委員、監察員、助理員、顧問等、均相繼發言、吳先生發言最多、易先生措詞則較激昂、莊先生亦侃侃持不屈之論、日迫鹿司令表示態度、鹿口、軍人固以服從命令為天職、但迫其向後轉、則亦有所不顧、行當往執政府與衛與武商之、衛與武者、執政府之武官長也、在場意見、幾全體一致、遂決議照舊點查、並推吳先生及國務院所派助理員楊千里先生起草答復內務部、文曰、

敬覆者、准貴部函開、本日准臨時執政府秘書廳函開、奉 執政諭、據報清室善後委員會於本月二十三日點查清宮物件、現清室善後之事、政府正在籌議辦法、該委員會未使進行點查、著內務部暨警衛司令查止等因、相應函達貴部希即查照辦理等因、除函知京畿警衛司令部外、相應函達查照、務將查點清宮物件事宜從緩辦理等因、查本會於本月二十日議決於二十三日點查清宮物件、係會內應有手續、又本會點查規則、係會同軍警各機關、及各項專門學術人員分組辦理、亦係由本會合議決定、似非單純行政機關可比、萬難中止、除由京畿警衛總司令部另行函覆外、相應函復、希即查照為荷、此致 內務部、

中華民國十三年十二月二十二日

會散、有當地警察照例列聽者、報告其事於內務部、王次長見有審計院莊院長發言之記載、大駭、蓋王次長數與余言、其個人所最崇敬者、為汪伯唐先生與易氏也、乃於是日深夜、訪易氏於大院胡同寓所、易氏乃正詞告以政府應採之態度、並謂倘欲使人與委員會接洽者、則可令吾甥任其斡旋之勞、當不難和平解決耳、以嬰總長仙洲時方養柯醫院、並致一書聲說其事、翌晨、易氏電召余往、告以夜來經過、即至神武門預備開始點查、時在上午八九時頃、神武門內朔風凜冽、較外間尤甚、以其牆高而風勢陡轉、刺肌膚如利刃、冷不可當、同人非經昨日之一激、其意與決不能勃勃若是、於是第一次出組者、易先生命星樞先生及余均與其列、但以軍警不齊、為點查章程所限、遂未着手、午後循例到部、見王次長謙沖適於往日、謂昨夜晤令舅、始知此事委曲、昨日之事幸如此辦法、尚不致弄僵、令舅並有書致總長、總長亦極謂然、命全權和平處理、使本部處於調人地位、行當往見執政陳說一切、結果如何、行再與君接洽、並托致聲易先生也、余唯唯、王次長乃以舅氏書交余歸案、其文如左、

漱芳齋內裏間正面床帳內



(未完)